

Została mi tu po tobie akurat ta opica
Jak żeś ku ni przikłodała ty swoje zmarzłe lica
Studenci už sztworty dziyń stawkowali, demonstrowali
A my se na Beskidach śniegym grudowali

Ty studentko z farmacyje mi wyrób lyki, abych kant
Nikdy nie zrobił jo z werku – poeta a muzykant
Bedym śpiywoł co czujym a co majóm ludzie na sercu
Dziynkujym wóm Pražakóm, studentóm a hercóm

Nejwiynkszo ostuda była při televiznich nowinach
My trzynieczczy ocelarzi nie stojimy při studentach
Odmítomy wubec wszecki jejich możne požadawki
A sóm my za wladóm, był žech zniszczóny zradóm

Kiero wszak nie była piyrwszo na seznamu podobnych zrad
Od tej doby mi už nima žodyn kómunista brat
Yny že to nie pochopi ta moja holka z Opawy
Musim prziznać, že miała ganc oprawniőné obawy

Óno to na seweru Morawy fakt idzie
Kulhawie a mogymy za to my ludzie
Stejnie to był ale szok, jak Jakeš słožił demise
Czech, Słowioł, Morawioł, Ślónzok, wszecy radowali my se

Radowali se tej zmianie z daleka a z blizka
Radowoł se tymu Kryl, Matuška aj Tříska
Gdo to je z tóm gitaróm tyn włosaty a fusaty?
Je to možné, žeby Hutka przerwoł už drót ostnaty?

To je ono, to je ono!!! Skanduje cało Praga
Teraz už im nie pómože ani ta Baba Jaga
Žodyn Kouzelný Dědeček, czy Babička Mary
Ani Spejbl z Hurvinkym a ani Tom a Jerry

W poniedziałek o dwanostej my wyrazili do stawki
Banda była sporzadano, nie było słyszeć nadawki
Akurat jich wypiskali, jak kiery z nich mówił gupie
Zaczła szniura demonstracnich koncertów naszi grupie

Ultimatum – nowo wlada do 3.12.
Óni nas wszak wiyncej majóm isto za naród sprosty
Jak gdyby wydli dialog z magorami a debilami
Pomier patnost ku piynci – no posóndzce to sami

Je mi už smutno po tobie, aj plyszowo opica
By už chciała zagrzoć ty twoje zmarznione lica
Chcym być z tebóm zaś na chwile w tej politycki sytuacji
Ty stawkujesz w Hradcu Králové, jo gróm w Trzyńcu na demonstracyji
Na na na...